

Ucapan berpisah untuk PM dari 3,000 tentera

KUALA LUMPUR, Selasa— Lebih 3,000 anggota tentera akan mengucapkan selamat berpisah kepada Perdana Menteri, Datuk Hussein Onn selaku Menteri Pertahanan di pangkalan Tentera Udara Diraja Kuala Lumpur di sini, Jumaat ini.

Datuk Hussein juga akan memeriksa barisan kehormatan terdiri wakil-wakil Tentera Darat, Laut dan Udara jam 8.30 pagi.

Tentera Darat akan disertai oleh semua 15 kor/rejimen dan kontijen dari sukarelawati dan kadet serta pelajar-pelajar putera

dari Maktab Tentera Diraja Sungai Besi.

Ketibaan Datuk Hussein akan disambut oleh Panglima Angkatan Tentera, Jeneral Tan Sri Datuk Mohd. Ghazali Datuk Mohd Seth. Beliau juga akan menyampaikan cenderamata kepada Perdana Menteri bagi pihak seluruh anggota tentera.

Turut serta dalam perbarisan itu ialah panglima-panglima Tentera Darat, Laut dan Udara serta pegawai-pegawai tinggi angkatan tentera.